

KVIII. 6
17

DISPUTATIO MEDICA
INAUGURALIS

DE

Suppressione Mensium. 7

Q V A M,

Auspice Divino Numine,

Ex auctoritate Magnifici D. Rectoris,

D. FRIDERICI SPANHEMII, Fil. S.S.Th.

Doctoris, Eiusdemque Facultatis in Illustri Academia Lugd.-Bat.
ut & Antiquitatis Ecclesiasticæ, Profess. Ordinarii, dignissi-
mi, Ecclesiastæ disertissimi, & Acad. Bibliothecarii.

N E C - N O N

*Amplissimi Senatûs Academici Consensu, ut & Alma
Facultatis Medicæ Decreto,*

PRO GRADU DOCTORATUS,

Summisque in MEDICINA Honoribus & Privilegiis
ritè ac legitimè consequendis,

Publico examini subjicit

THEODORUS HEISTERMAN, Amstel. Batav.

Ad diem 12. Iulii, loco horisque solitis.



LUGDUNI BATAVORUM,

Apud Viduam & Hæredes JOANNIS ELZEVIRII,
Academiae Typogr. 1680.

PATRIÆ

A C

AMICIS.

54923



De Suppressionione Mensium.

Suppressio mensium, est abolita sanguinis excretio, qui aliàs ordinario naturæ lege singulis mensibus fœminis ad id aptis ab utero fluere solet.

II.

Ex allata definitione vel descriptione (pro ut nominare volueris, Logicis enim terminis non inhæremus, ubi rem explicuerimus) & speciatim ex parte affecta patet, hunc fœminis esse morbum proprium cum viri utero destituantur. Distinguitur ab aliis fœminarum morbis, ex adjectis reliquis circumstantiis, & præsertim, quod hic certas servet periodos alii non. tertio aptitudo requiritur, hoc est, ut sint puberes, neque minores neque vetulæ, non gravidæ, non lactantes, non gravioribus diuturnioribusque morbis detentæ, &c. non enim naturæ lege illis fluere solent; cum materia hæc aliorum aliosque in usus absumatur. Sic nec illæ suppressione possunt dici laborare, quibus sine incommodo nunquam fluxere, ut viraginibus similibusque.

III.

His ita præmissis ut porro thesibus ordo sit, hæc quatuor mihi observanda puto. 1 *Causæ* hujus suppressionis indagandæ. 2 *indicia symptomataque* quibus se prodat indicanda. 3 *prognosis* pronuntianda. 4 denique *Curatio* aggredienda. Quibus rite peractis me scopum attigisse lætabor.

IV.

Sed antequam ulterius pergam, pauca de natura sanguinis menstrui prælibanda existimo; ut *prædictorum* ratio reddatur clarior, nec de re non intellecta, aut de lana caprina disputare videar.

V.

Hoc ut facilius peragam, hæc tria oculis mentis subicere fert animus. 1 *Quantitatem*, 2 *qualitatem*, 3 *periodorum Causam*.

VI.

Multas fortitus hic Fluxus denominationes, ab aliquibus enim *fluxus sanguinis menstrui*, ab aliis simpliciter *menses*, *menstruæ purgationes*, *purgationes lunares*, *tempora*, *consuetudines*, *flores* &c. dicuntur; quæ omnia

vocabula cum Græcis coïncidunt, illa ergo subnectere supervacaneum putavi, uti & illis diu inhærere, cum simpliciter tantum res indicent, minime verum Causas explicent.

VII.

Quantitatem hujus sanguinis menstrui vix determinari posse liquet, variante ea pro diverso corporis habitu, temperamento ætatis, regionis, victus ratione vitæque instituto. Magnus tamen Medicinæ dictator hanc ad ℥xviij extendit, aliæ tamen sæpe, ne ultra cochlearia vj. vij. ve deponunt; in mediam quantitatem qui statuerit tutissimus iverit.

VIII.

Sic nec certum *durationis tempus* pronuntiari posse ex dictis constat. quibusdam enim fluxus hic per biduum, triduum continuatur aliis; in octavarum usque extenditur.

IX.

Sanguis porrò hic menstruus naturaliter (de præternaturali enim constitutione hic sermo non est; cum variæ circumstantiæ, v. gr. omnes humores vitiosi sanguini permixti, ejus naturam valeant immutare) constitutus à magno illo Coo, aliisque plurimis, colore & consistentia sanguini victimæ jugulatæ assimilatur. Qui floridus, purpureus, mediocrisque consistentiæ est, laudabilis censetur.

X.

Miror ergo *Plinium* aliosque antiquos sanguinem hunc adeo venenatum exclamasse: ut ejus contactu terra sterile scat, marcescant herbæ, inficiantur specula (ex solo aspectu menstrua patientis) canes in rabiem agantur, homines diris cruciatibus affligantur. Verum quam misere ratiocinati fuerint de hoc sanguine patet: cum suo indicio ut forices pereant, suoque se jugulent gladio, statuentes eundem nutrimentum foetus. Qui sane pro nutrimento nimium malignus foret. Sanguine autem materno foetum ali pluribus probat *Clar. D. Sylv. in meth. lib. ij cap. iij.* quique etiam hunc humorem bonum asserit.

XI.

Naturali sanguine, hunc tamen, à præsentī fermentatione & sale volatili abundantiori, acriorem esse statuo. Attenuatis enim fermentatione hac (à quacunque Causa introducta) particulis terrestribus, viscosis, pituitosisque, sal caput suum exerit, quantum lenta solent inter viburna Cupressi.

XII. Tem-

XII.

Tempus autem, quo hic fluxus initium & incrementum sumat, & quo decrescat, ac finem sortiatur, circumscribitur vulgo ab Authoribus ab anno xij ad an. 50: cætera enim exempla rariora & præternaturalia; ut illud *Fabrit. Hild. Cent. 2. obs. 60.* qui puellam menstrualem vidit 11. ætatis anno *Ibid. obs. 61.* testatur menstrua durasse ad an. 78. *Cent. IV. obs. 63. ad an. 70.* *Tulp. in obs. suis* puellam 4. an. menstrualem habet. *Kerckringius à 1. nativitatis die.*

XIII.

Huc usque alimæ Medicinæ cultores, tam neoterici quam antiqui, bene inter se conveniunt, satisque dilucide rem hanc nobis exponunt. Verum ubi altius in hujus fluxus ejusque circuitus causas philosophando penetrandum hæret illis aqua, misereque inter se digladiantur: & Oceani reciprocus fluxus non magis eruditorum torset ingenia quam hic menstrualis. Meum ergo non ducō inani arrogantia inter doctissimos, tantas componere lites. Amcœnior tamen cum sit campus, quam ut prætereuntes non detineat; lubet morari paululum, & plerorumque opiniones perlustrare, opinionemque, cui adstipulor, subnectere.

XIV.

Galenus ejusque sectatores plurimi (ut aliorum *Nugas* præteream, qui ad Dei providentiam, occultam qualitatem &c. confugere solent) solam plethoram in auxilium vocant, nimia desidia collectam, uti ejusmodi ejus sunt verba lib. de venæ sect. adversus *Erasistratum*. Nonne natura ipsa mulieres cunctas evacuat singulis mensibus, sanguine superfluo foras effuso? Muliebre enim Genus ut quod domi ageret neque vehementibus laboribus exerceretur, aut sub claro sole viveret, ac ob utraque hæc, multitudinem humorum coacervaret, ipsam evacuationem plenitudinis tanquam remedium obtinere natura opus habebat.

XV.

Hujus fluxus periodi, idem *Galenus* lib. 3. de diebus decretoriis c. 2. Causam esse ipsam lunam asserit, cum ait, luna igitur fluctus auget, incrassatque; animantia implet, ad hæc menstruorum statum tempus mulieribus conservat.

XVI.

Alii fermentum colligi volunt circa uteri substantia ejusque vasa, quod singulis ferme mensibus in actum deducatur sanguinemque effervesce faciat. Verum quoniam fermentum hoc necdum anatomica cura sit detectum, & licet detegeretur non viribus ipsius lunæ refragaretur, sed potius causa coadjuvans foret, merito de illo dubitamus.

XVII.

Cum Galeno autem plurimi Neoterici solam lunam in auxilium vocant, non quod simpliciter aquis ac humoribus prædominari dicatur, quod idem foret ac si occultam qualitatem nominarent: sed quatenus radiis à sole acceptis & in terram reflexis, certam materiam ætheriam in sanguinem introducit, quæ apta nata est effervescentiam excitare, vasa distendere, illaque aperiendo hunc fluxum excitare; & prout hoc vel illo modo sanguinem constitutum repperit, sic modo, has modo illas fluxum menstruum pati videmus, non enim semper secundum versiculum jam vetustate tritum:

Luna vetus vetulas, juvenes nova luna repurgat.

XVIII.

Probabilius mihi id quod ante positum videtur; cum ex chemicis notum sit ex certarum rerum commixtione certam etiam oriri effervescentiam (sic ex confusione ol. vitriol. & tartar. per deliquium ingens effervescentia excitabitur) & prout major pororum est diversitas eo majorem effervescentiam oriri constat ex verioris philosophiæ fundamentis.

XIX.

Quantum autem ætheris seu materiæ primæ elementī diversitas faciat ad fermentationes certas excitandas innumera ostendunt phænomena. ex levissimo in diæta errore facile febris, id est, effervescentia in sanguine cum ejusdem turbata mixtione excitabitur, alimentis sc. alienigeno fermento imprægnatis Animam sæpe, ex arcta cum corpore unione, hanc mutationem suscipere ex variis constat exemplis: prout enim tellus motu annuo huic vel illi syderi appropinquat quidam insaniunt, delirant. sic in inevitabiles, (certo anni tempore) morbos quidam incidunt. Admiranda lunæ influxus phænomena qui desiderat, adeat Kerckringium in obs. anatom. obs. xcij. lunæ efficacia in conchis ostreisque lippis & tonsoribus nota, turgent enim tempore plenilunii, à fermentatione introducta.

XX. His

XX.

His ita præmissis ratio dicat ut eo revertar unde digressus eram : *Causa* igitur hanc suppressionem inducentes variæ sunt: quædam enim *interna* & *proxima* ipsum uterum ejusque vasa spectant: aliæ ipsum sanguinem: aliæ sunt *externa* & promoventes internas.

XXI.

Uterus hujus suppressionis *Causa* existere valet, quatenus intemperie frigida siccaque laborat, hoc est, scatet particulis crassioribus, terrestribus, viscosis, acidis, austeris, quæ aptæ natæ sunt uteri corpus ejusque tubulos obstruere atque constringere, adeoque sanguinis aliàs per eos effluxuri motum impedire.

XXII.

His merito annumerantur uteri inflammatio, induratio, cancer, scirrhus, exulceratio; quatenus distorquendo obliterandoque, uterinos tubulos obstruere valent. Sic mala conformatio à nativitate, vel dispositio depravata ab incumbente aliquo viscere, intestino scilicet recto inflammato, ex ulcerato &c. vesicâ distentâ vel à calculo grandiore comprimente aut uteri corpus aut vasa ei incumbentia, uteri nulla perforatio, ut & ejus prolapsus vulgo, sed male, dictus, cum impossibilis sit uteri inversio: nisi post puerperium grave.

XXIII.

Vasa (quæ à præparantibus & hypogastricis à vena cava & arteria magna oriuntur: & anfractuose & serpentino ductu per universum uteri corpus, sed præcipue fundum disperguntur) hic symbolum suum conferunt; quatenus eorum orificia, nimis exilia sunt, obstructa, coalita vel compressa: ut licet in iis sanguis fermentetur, suoque pondere premat; ejus tamen efficacia non tanta sit, ut claustra valeat diffringere, liberumque sibi exitum parare.

XXIV.

Sanguis hic culpandus, quod constet terrestribus, viscosis, acidis, austeris particulis, facile ad quietem inclinantibus; cum enim torpidiori motu fertur sanguis hic crassior facile particulæ istæ crassiores sibi mutuo agglutinantur, nullum enim majus in rerum natura glutem quam quies. Quod vero hic sanguis magis in partibus his inferioribus quam superioribus obstructions pariat; ratio in propatulo est: cum ejus pars subtilior simul ac è sinistro cordis ventriculo in aortæ bivium expellitur, sursum petat, amurca hac deorsum retrusa, adjuvante distantia à corde longiore.

XXV.

Plethoram alii accusant, sed qua ratione non video nisi *Cacochymia* sit conjuncta: exemplum quod Riv. habet de vesica distenta, huc non quadrat, ibi enim voluntaria est retentio, hic in circulatione non.

XXVI.

Penuria ipsius *sanguinis* culpari hic posset, ut licet fermentationes sanguini inducantur, non tamen satisvalent vasorum orificia aperire: quæ forsan ratio, quod quædam periodice per alias vias menstrua patiantur; vasis illis uterinis nimis clausis existentibus; dum alia tenuiora, ut narium, pulmonum &c. aperiuntur: quæ mea quidem opinione non possunt dici menstruis suppressis laborare, cum hæc effusio sanguinis alterius vicem suppleat. Idem judicium esto de sanguine crasso, viscoso, in eo enim nimis exiguæ fermentationes excitantur: crassitie quippe & viscositate eluditur vis fermenti, uti in acutis morbis humorum acrimoniam narcoticis evincere solemus.

XXVII.

Cum sanguine autem labem hanc suam communicant omnia edulia, terrea, crassa, viscosa &c. quibus mulierculæ se ingurgitare solent: E. G. Oryxâ, Cretâ, carbonibus & similibus sæpe utuntur, coaptandæ formæ gratia. Unde chylus & consequenter sanguis crudior uti notum est vel paululum in re medica versato. Adjuvat earum vita sedentaria, somnus longior, exercitia minora, hinc circulatio segnior, quæ cohesionem particulis crassioribus præbet. ad eundem scopum collimant, *animi pathemata*, frigidiora vulgo dicta, quod sanguinem figant; uti mæror, tristitia, melancholia. *Excretiones*, tum aliæ, tum sanguinis, per alias vias effusi, auctiores: Omnes subitæ mutationes frigidæ externæ, ut aër tempore hyberno frigidior, crassior, humidior; & inde partium harum nimia refrigeratio. vel ab aquis producitur frigidioribus, à confessu super pavimenta lapidea; à sinistro denique alimentorum, tam internorum quam externorum, usu.

XXVIII.

Atque hæc de *Causis*. *Signa* suppressionis mensium præcipua hæc sunt: dolores lumborum, imique ventris gravativi: propter sanguinem ibidem retentum, vasa nervosque (tum à propaginibus sexti paris, tum ab osse sacro oriundos) pondere suo prementem. Intenditur autem hic dolor ordinariò, tempore quo menses fluere solebant. Adsunt Brachiorum stupor, ad motum tarditas, & ubi exercitia paulo vehementius

mentiora, lassitudo ingens. Præcordiorum anxietas, difficilis respiratio, palpitatio cordis, totius corporis cachexia; pallidi virginum colores, cum melancholia.

XXIX.

Quæ omnia; ut una fidelia hos omnes parietes dealbein; sanguini crasso effœtoque originem suam debent: quatenus hic aptus variis in corporis partibus vasisque capillaribus obstructiones parere, unde capitis dolor *gravis*, Cachexia, difficilis respiratio, præcordiorum anxietas. obstructis speciatim musculis abdominis, diaphragmatis, thoracis. Præterea ex sanguine hoc sæculento pauci generantur spiritus ut sui inopia vix musculis inflandis sufficiant; unde membrorum brachiorumque stupor, tarditasque ad motum. His spiritibus vero ab exercitiis gravioribus dissipatis, ingens oritur lassitudo, animi hebetudo, & melancholia. Palpitatio cordis sanguinis viscositati adscribenda, quatenus tam subito in cordis thalamis nequeat effervesce, hinc enim systole & diastole cordis depravatur, animi deliquia, &c. subsequuntur vomitus, pica, Nausea sæpe concomitantur præsertim ubi diuturnior hic affectus. Saliva enim viscosa à sanguine simili separata ventriculi fermentum obtundit, enervat, præterquam quod ex arteriis gastricis immediate hæc labes cum ventriculo communicari potest.

XXX.

Atque hæc de *Signis. Eventus* hujus morbi pro diversitate *Causarum*, eum inducentium, varius est. Quæ enim suppressio mensium gignitur à morbis supra recensitis uteri gravioribus, ut scirrhus, cancro, mala conformatione &c. uti à difficili horum morborum causa dependet, sic plerumque insanabilis atque lethalis habetur ægrisque ut fidus Achates ad extremum vitæ halitumjit Comes. Nec meliorem spem promittit suppressio *diuturnior*, quæ tam altas egit radices; ut diuturniori cura evelli non potuerit, estque plerumque plurimorum morborum alma genetrix, uti de ea sic judicium in medium profert *Hipp. lib. de morbis mulierum*, ubi suppressionem per 6 menses durantem incurabilem statuit: non tamen id universaliter verum esse ipse probat 4. *Epid. Galen. comment. 3. in lib. 6. Epid.*

XXXI.

Meliorem sui debellationem promittit quæ oritur à plethorâ; nî cacochymia notabilior fuerit conjuncta; alias morbum chronicum prænuntiat. Sic spes melior affulget, ubi à sola Causa externa, aëre, aqua

aquâ &c. subitaque refrigeratione labe hæc fuerit contracta, nec mora diuturnior tam firmiter occluserit ostia.

XXXII.

Ne illotis manibus *curationem* aggrediamur, ea in memoriam revocanda quæ supra *th. ij.* attulimus; nempe: illis curam non adhibendam, quibus sine incommodo nunquam fluxere menses. Hi enim naturaliter deficientes cum damno sollicitantur, ut *Plat. in Prax. Clar. D. Sylv.* tum demum pro vitio habenda suppressio; quando cum uniuscujusque scemina incommodo id evenit; & vera menstruorum suppressio dicitur: quando fluxus, qui jam prodiit, prodire cessat. Verum Medico circumspecte hic agendum ne fallatur à mulierculis ex illegitimo congressu imprægnatis, abortum ne illis promoveat. Ne porro hæc nostra curatio in nimiam molem excrescat, illam solum adaptabimus suppressioni, quæ à sanguine crassiore vasa obstruente ortum ducit, relegatis uterinis morbis gravioribus ad sua capita, quibus profligatis sponte evanescet hoc symptoma levius.

XXXIII.

Curationem igitur ut aggrediamur secundum *Hartmannum*: Pravis & impuris humoribus, quibus plerumque scatet, corpus erit liberandum. Quem scopum ut facilius attingamus, *Venæ sectio* hic primum locum obtinere videtur, (ut *Clar. D. Sylv. Galen.* aliorumque vestigiis insistant) si nempe vires permittant; plethora quippe cacochymiaque sui necessariam evacuationem postulant. sic enim amurca residua facilius à fæcibus suis liberabitur; naturalisque sanguini crasis reddetur. Novi nigro Carbone notari ab aliquibus, quod venæ sectio purgationibus præmittatur, sed quo ratiocinio ducti sint ipsi viderint.

XXXIV.

Contentio olim maxima inter celeberrimos medicos fuit, quænam esset secanda vena? Verum satis verborum, sapientiæ parum in litigiis illis fuisse patet, cum omnia hac de re antiquorum prolata, corrui fecit unica circulatio sanguinis. Venas tamen inferiores hoc in morbo secandas puto: non propter imaginariam attractionem, similesque decantatas cantilenas: sed propter sanguinem peccantem crassorem ut *sup. th. xxiv.*

XXXV.

Venæ sectio potissimum celebretur circiter octiduum ante ordinariam
men-

mensium eruptionem; ut auxiliares naturæ præbeamus manus, aliàs sæpe cum damno aut incassum instituitur.

XXXVI.

Venæ sectione peracta tempus *preparationis* commodissimum existit. Crudi enim hi humores, ante sui *evacuationem* sui *preparationem* postulant, ut recte Hipp. *sect. 1. Aph. 22.* in usum ergo vocanda veniunt incidentia, attenuantia & consequenter aperientia, ut hoc modo viis reservatis tuta sint menses promoventia. Ad hunc scopum collinant omnia aromatica, sale volatili, prædita (uti illa sola menses movere, omnibusque præferenda esse docet Cl. D. Sylv.) qualia sunt Rad. Gent., galand., imperat., Zedoar., Helen., Raf. lign. guajac., Saff., Salsaparill. &c. fol. absynth., Centur. Maj., Card. bened., salv., rorism., flor. stæchad., rorism., lavend., sem. anis., fœnicul., Dauc., narist., Bacc. laur., juniper. Quadrant & huc omnia anti-scorbutica, acidum fixum infringentia, ut rad. cichor. tarax., levist., fol. cychor., cochlear., fumar., Beccabung., naristurt., huc tamen præcipue spectant illa authoribus *specifica uterina* dicta; ut rad. rub. tinct., Bryon. Capp., Gram., Fol. Meliss., Sab., Matricar., Puleg., Artem., Ruta, Dictam. Cretic., flor. genist., samb., sem. Cicer. rubr., & similia: ex quibus omnibus *Apozemata*, *vina medicata* (passim apud practicos obvia) pro diversitate subjectorum præparari possunt.

XXXVII.

Apozemate vinove medicato per aliquot dies usurpato, blande purgetur ægra extracto fol. fenn., agar. res. jalapp., crem. tartar., tartar. vitriol., Colocynth., & Helleb. Nigr. Quorum duo posteriora, propter eorum vehementiam, non nisi exigua quantitate, & agrestioribus exhibeantur ut recte Hartman. laudantur Pil. de hiëra, cochiaæ &c. convenit sequens formula.

R. res. agar. vel gum. amm. in aceto diss. gr. xv.
Mercur. dulcis, extr. Hell. nig. ā. gr. iv.
trech. alhand. gr. ij.

M. F. Pil.

XXXVIII.

Sic intermediis vicibus induciæ fiunt ab Apozematis usu, si ægra abhorreant, cujus loco succedant spir. sal. arm. (cujus ope plures se restituisse gloriatur Cl. D. Sylv.) C. C., fulig., elix. prop. Parac.,
tinct.

tingit. Cast., croc., secund. human., aloë, sal succ., genist., &c.
sic Hartmann. prax. chem. habet pulv. cathect., essentiam croc. Martis,
Forest. in obs. suis pulverem suum dominarum extollit.

X X X I X.

Adjuvant præterea, si ab externo frigidior aëre, aqua & similibus
refrigerationibus ortum contraxit hoc malum, Inseusus, Balneationes,
Suffitus &c. ex præcedentibus uterinis: quibus emollientia non inuti-
liter adduntur; ne secundum Clar. D. Sylv. lib. ij. Cap. xvij. hu-
mores glutinosi nimium inspissentur. sic idem Clariss. Sylv. pes-
sum formavit cum successu è solo raphano, in pessi formam rescisso.

X X X X.

Dieta porro sit, ut in omnibus morbis hypochondriacis, pituitosis-
que: ex cibis incidentibus, attenuantibus, bonæque digestionis: qui
& medicamentis antiscorbuticis alterari possunt. Vitentur omnia escu-
lenta viscosa, frigidiorisque naturæ, ut & aquæ gelidæ potus. exerci-
tia sint mediocria, præcipue Veneris, quæ quantum hic valeat præter
quotidiana, plurima authorum probant exempla, ut Riv. Plater. &
& aliorum; levissimo enim attritu vasa uterina aperiuntur. Affluxus
Spir. in illas partes fit copiosior. Fermentationes à semine fervidiore
injecto promoventur, cujus rei exemplum rarissimum vide apud in-
geniossum D. Regn. de Graef lib. de virorum organis. animi denique
pathemata tristiora vitentur; lætitia, quantum fieri potest, excitetur.

*Hæcque pro ratione nostri instituti
dixisse sufficiat.*

F I N I S.